

書名 祝氏集略八卷 嘉靖三十六年序刊本
撰者 明 祝允明 撰
卷 卷一
內容分類 集-別集-明中葉
索書號 集部-別集-7-18-1
編號 D7425800

卷一



彩色首頁1

東洋文化研究所漢籍目錄 編號: D7425800
東洋文化研究所漢籍目錄所藏漢籍善本文影像資料庫 索書號: 集部 別集-7-18-1
漢籍善本文影像資料庫文本 祝氏集略八卷 嘉靖三十六年序刊本
版權所有: 東京大學 東洋文化研究所
使用上的注意事項

祝氏集略卷第一

騷賦


大游賦

允明以宇宙之道於我而止矣渾鴻包之萬象條之
三丘肇構于其先宣尼總齊于其後君建為極臣成
為士治為學民遵為世隨其時也易曰拘係之乃
從之王用亨于西山允明時不自立身名隨人拘
老而神明中亮問學外廣有無之際三五宣尼
益嘗冥訪其間焉斯用亨之利也暇日叙之
游賦可以垂語千載焉爾



所究研京東院學化文方東

No. 1688 二







祝氏集畧卷第一

騷賦

大游賦

允明以宇宙之道於我而止矣渾鴻包之萬象條之三五肇構于其先宣尼總齊于其後君建為極臣成為業士治為學民遵為世隨其時也易曰拘係之乃從維之王用亨于西山允明時不自立身名隨人拘維將老而神明中亮問學外廣有無之際三五宣尼之所營蓋嘗冥訪其間焉斯用亨之利也暇日叙之為大游賦可以垂語千載焉爾



夫何恢慮之大人兮，羗縱觀於域中。柯柘櫛以爲車，
兮畢妙制於輪工。建六等以道遠兮，職三材以行空。
旣軒之以華鞞兮，又積中以堅軋。招鈴且使附輿兮，
瓮鹿鞭而右從。巾九圍而窮轅兮，殊章亥之有終。跨
四渤以脩征兮，隄華封以臨戎。左賓暘於二桑兮，右
嚮晦於三春。前炎洲以玩鳥兮，朔幽紘之夢夢耳。鞞
象其支朱兮，胡旅瑣於蟲封。悞皇盤之下繼兮，中六
圍而作宮。命旋轅而內歸兮，攬覆載之所有。歲蕭稂
之被壤兮，慈芳蘭之不茂。喬隰榛與山樗兮，斤文梓
令速朽。獷貙豹之犇犇兮，貌麟虞之在囿。叩鶴鵬之

啾啾兮，梧不集其鳳鳥。夷高岸爲深谷兮，堀堞礫以
爲阜。翦瑤碧以圍椽兮，童丘隅俾不菲。睨洪河之橫
怒兮，恒襄陵而汨宇。汹漫漶以突徙兮，數失邑而病
漕。懷神功之難續兮，惋夏蹟之非舊。帶衡江而脩截
兮，判二戒於左右。聯南濱之百巒兮，蜚千泉而下湊。
亾晝夜而建瓴兮，澼交注於揚。藪漭散衍於三江兮，
赴伯若而爲湫。灤始涘而繼湮兮，瀆汜溢以妄走。蹇
重咽之中楗兮，焉執咎於授受。嘒眚災之歲成兮，禪
殫虐於吳畝。蹶沮洳而莫遣兮，耘十千之維耦。驅玄
黃以高驤兮，循中原之舊服。畫州邑以星隲兮，敞曠

土之沃沃邈山川之遐隔兮空千里於一矚憶先王之位天兮經九井以爲國掌地政於司馬兮詳同成而澮洫樹萬里之基楨兮厚丞人之安宅固君民之比輔兮食無爲之帝力厯諸聖之造述兮與世期而亡斃何秦孝之顛暴兮益衛鞅之薄刻始必墾以阡陌兮繼稅人而蕩濇堯坤元之綱紀兮勢一剝而弗復艾因時以苟爲兮優彌古而偕極題蒼黎之增增兮揉千百其品倫伊四業以各守兮剗百役以駿奔恫窮筮之顛隕兮憎惰游之猥囂終戕之以宄賊兮樓豺贖而食人痛九夫以征穀兮餉凶餘俾悍淫捐

田事而不男兮競逐末於錢刀隼千茲以爲利兮網無卹於戚曹攬泉布而操壅兮靳濟物於一毛鄙遠縮於狡窟兮首驕戾於王侯工不度而作淫兮聊湏庸於斤陶皇天生此元元兮惠司牧以大君建萬邦以諸侯兮賦官士而臣鄰寧一夫以非農兮而戴履於乾坤怵茲辰其何時兮農八一而僅存八民農殮饑蓋罔稽田兮峻曾弗得以食新鈞含氣於化育兮哀細人之特勤予旣未穀於道邦兮吁釋錢鏹而被此弊紳氣紆蔚而不解兮意周章以交馳違巖野而即市兮求化理於官司闕訟堂之佻佻兮匄萬子而榜

管大夫隼騁而蕉萃兮不得知其所為輿胥五百柙
 千獠兮引羔豚而飮之檄氍磔而樛運兮格辰道而
 申齊士呻痺于鑲輓兮伍病空於陴垂帽四方以晷
 整兮甫焉得而驩熙操舳舻之蒙衝兮晨橫江而西
 沛扣曾城之九重兮闢皋應而疊五印天京之鼎立
 兮頰絳闕以崇鶩欽萬域之攸則兮拱北樞之星附
 靈三殿以中嚴兮奉天華蓋謹身蠹雙樓之夾輔文樓武樓闕椒
 闈之沈肅兮峻丹雘之複護列八屯以周廬兮離千
 曹而張署啓巖閣以弘文兮宅大訓而稽古坐耆成
 以寅亮兮諧密勿以釐務嚴法筵以尊師兮訪道揆

於墳素倣明堂之法象兮裁靡代之踰矩近堯階之
 三尺兮削漢宇之萬戶廟四親以致享兮宮崢嶸於
 左祖右駢祠維太社兮同先稷而為伍毓儲聖於青
 禁兮昭英華於文武文華武英二翼殿觀靡究於中秘兮規
 載考於庶府張五督以詰兵兮叩六官而開部廣通
 政而給諫兮謹臺察與大理太常典厥禋祔兮宗人
 掌其圖譜謚翰苑之閑清兮都成均之綽廡守信玉
 於符臺兮顓筆削於史注欽天審其曆象兮大鴻傳
 其臚句光祿精夫玉食兮僕馬備其徒御條萬幾以
 緄襄兮錯群工而牙布沛周詳以章徹兮互責稽而

斐備奕 神祖之開業兮濯 神宗而善遷為王賓
以觀光兮遵大路而北轅歷揚徐而齊魯兮趨豐鎬
於幽燕瞻 帝居之際天兮服 王心之所甄葵啓
承之有道兮蓋同經而異權屹 高皇之奠鼎兮介
哉格乎淵算承乾休之凝注兮懽坤輿之饒瞻執天
德以守國兮豈徒防於天塹來百蠻之賓王兮會諸
侯之覲獻 文宗而上徙兮扼荒咸之突踐居高
屋以尊臨兮繞衆星而北面提四外於有截兮暉奉
時之英見亶鴻仁之積洽兮熠光重而紫宣鱗百揆
以具張兮轂皇極之中懸職工僚其僉僉兮稟成憲

而周旋惟弛張之殊科兮深忤惑而眩愧殆愚固之
莫憐兮緯有幾於攸先山臣銓草樹而牧麋鶴兮焉
能覘其韋弦匪余位之所謀兮嘖奚煩於蕘言思沈
潛而內求兮愴將歸乎故苑繫佚足於管限兮搏鴻
芬於枯簡聒萬夫之交鳴兮佩六編之神典探經邦
之遠猶兮察庶務之奇變逮長古而周歷兮該千岐
而綜練勵勵跡於滔天兮抽幽緒於獨繭殫精誠於
至思兮肩无象而諧券情窅窅以倏恍兮志强毅而
逾鍊遡上升於至陽兮曦皇人之垂見發秘鑰以授
余兮歿多鈞之玄篆吟微辭以啓悱兮歎樞

雋忽不悟其所如兮屑儻個而俟旦宓閉關而函光
兮幸韜聞而滅見散神明於空靈兮泳皇冲而教衍
兼萬化於芒機兮統三極於一貫識天人之變成兮
假幽明之互替寤道器之相咸兮歸有亡於亡辯漸
歷聖之繼天兮討千文而同鍵杲曜靈於永宵兮齊
受法於皇旻承皇命者犧兮始拜受此玄文九穹無
言不愛道兮勅地寶以龍呈括五十而有五兮峙大
道之靈根五相得而有合兮成變化以行鬼神觀穹
文而祇理兮載取物與諸身爰立卦以生爻兮用四
尚而成萬管居觀玩以既得兮動假筮以質成橐萬

化以鼓舞兮漱千妙之幽源崇守位以財成兮織出
入之紘員洞生死於原返兮了情狀於游竟冒承壽
以彌綸兮貫異同於千門逮農軒而顓學兮迭奉帝
而詔人因龍鳥與草木兮依水火而風雲備物象以
周世兮抃養本於生民代泰穹之何言兮晫神心於
三墳司重黎於二正兮構貞曆之四分唐欽昊以授
時兮宗曆象而三辰虞絜齊彼七政兮在璿璣而玉
衡原欽明而被格兮址時雍於睦親粲重華之協帝
兮終命位於升聞恭垂裳以無爲兮魏成功而莫名
扈文命之神靈兮默取道於清玄奠山河而再造兮

相天地於成平帝重錫用玄範兮誥靈龜而眎隤舒
九章以列對兮姒乃第之以類成邁殷周而密昇兮
令箕武以載申揭建極之元則兮握天人之關鉗援
神契以設教兮假泰卜於歸連眷岐豐以下鳳兮勅
尼泗而來麟三聖演翼夫犧畫兮文王周公孔子旦䟽官而
盡君周官宣群經之自聖兮以時差而錯出孔完天以
總聖兮萃整齊而立極道有本末而著微兮本微既
其在易張末著以長世兮論禮樂之為急誠脩身以
御家兮弘治平於邦國作人備乎儀文兮宣和興於
禮律稽疇典而作樂兮耿二史之布策左放墳丘之

眇綿兮綜唐文而姬曆昞嘉謨與大猷兮心偕事而
錄實闕刪述以詔來兮立型模為永式體二篇以樹
本兮用四典以示則二篇者易四典禮樂詩書張人綱以持世兮
參成位而撰畢世惟遵而勿渝兮醕天心與聖職冥
弗由以顛濟兮教乃廢而代汨聖何道而援若兮懋
不位以敷德掇侯史以衛經兮荆予奪而作格尹天
明與王憲兮準賞刑於霜筆三代絕而世變究兮六
冊具乃聖功訖理與事而偕著兮勸交懲焉縣植从
為治以位天地兮違斯亂而乾坤熄孔既翦齊乎千
牘兮攣綱要而綴集愾漢武之中興兮業躅孔而均

績蒐獲僅於百篇兮訓終代而已給云理道其亡垠

兮亦庸傷於多逸書枿缺落於完籍兮咨三簡之不

沒儀周小戴三禮何長息于逝者兮摩存緒而弗繹抒人情

以合化兮亮聲詩之為特悲忽亡以永味兮聃天聰

於瑱塞取律天而襲地兮晷憲章而祖述此下還謂今五經

維天地之為大兮代天言而不息蒙遑克以辭贊兮

伏犇走而靡斃迄作息而顯微兮咸由戶而出入考

群聖之攸作兮罔非天而自隲綏顯微之啟庸兮覆

相質而弗忒普含生於兩間兮誰違天而已立感微

賦之有聞兮愬白焚其髦習拊脩辰而暨寄兮矢

乾以永訖泉干氏之攢叢兮助馳蹶而翔翼覽諸師

之襲述兮披眾聖之膺臆苞鴻纖以條疏兮弗衷表

而協一適滌漢以游唐兮惠界受以綿密考靈無示

乎度躔兮睟焉察夫天日被賢恩如命面兮等父仁

而焉域咻後者之剽贅以沿茲兮吾將暴諸同心而

未覲彼固自為至一兮謂精義之我集泯前脩之夏

業兮迹深局而固匿何斯今之膚獵兮愁捐甲而逐

乙頰 高皇之垂誥兮酌交从而無僻詔士治經用古注疏與某

傳說云云群生曷靡靡乎顛視以奔時兮敢背 祖而妄

執寘 聖謨賢教於公擯兮趨胡悍而胡逆疇鳴聞

以一匡兮擗千載之流溺歲悠悠以隕頃兮洪章殆
終乎罄滅聖乘時以施化兮賢隨時而成謀謔憂樂
以行違兮肆有用而亡求賤將五十未服政兮憮徃
日之藏修辰其息而亡悶兮警將放乎大游擁良謨
以匱韞兮弁消搖以夷由拏千業於一函兮諒奚之
而不優出衡宇而遵塗兮邁九躔以環流駿一日以
千里兮快崇朝而九縣指河冀之上領兮隱嵩洛之
中墜紆三五之更都兮應玄樞而流建則乾元之用
九兮敷海寓之疆甸大畫圻於方州兮細規土於井
田烝哉先王之宅中兮憲井牧之攸便悼荒泯於周

渠兮流一潰而亡返沈余慮以構術兮撫餘規於滌

彥籍民品以有定兮括肥壤而制限定永業於口授

兮分授新以購羨縣百級以酌授兮人無食而不佃

井田不可復請為均田盡地平賦三道立田制為三
科每科為三限五十等百級自五十畝至五千畝也
凡一民不得過一科先過制者籍之禁毋得更市田
以其羨為待分平易二法待分者分其羨於餘口及
通籍凡官民無田及少者酌授之而歲收其入之半
為價償故主足則已或能頓償者聽自籍民品以至
此言均

析羸田之南民兮易中原之隙衍每縮析而

羨授兮足牛粒與舍廣稽十秋而合貞兮廿有一而

始斷平易者取其十則易償以中原西北隙土十有
五并牛粒廬舍凡二十乃分其口令徃墾歷二

十年而其稅定然後征其十一永
不加益自析羸至此言盡地也既均田而盡地兮

乃平賦之有漸都一郡之稅額兮總重輕之原版駕
履畝以周旬兮核腴瘠之實算各斟勺以損益兮為
新條而升殿第融紐以少均兮總無減於舊貫既不
縮夫邦計兮庶重負之微嘆自理郡乃通藩兮究海
內而普徧 明明后之牧宇兮更審地而制典租必
當於壤力兮居中正而永奠 此言平賦天下賦半東
南今賦特蘇郡極重民
皆病賦不當田又偏重緣以 王制不敢易請融紐
之如一郡之賦四重而六輕并為十分乃覈其田腴
幾何瘠幾何隨以定賦益之損之以總足於舊制之
十則不縮國資而賦無偏重又以是廣於他郡又廣
於藩省以通于天下然少平爾不當地之輕重若能
請 土更隨土以定額始為中正以上三法具見祝
子通此所陳 爾 急東南之倚重兮最水利之難善偉高
乃其粗畧爾

平之所列兮足紀綱夫群辯 范公劄
呂中丞 滌宣歙之上流

兮濬百瀆之堽淵宣三江之故道兮堅圍埠之防堰

癩白茆之海咽兮趨百川而吞嚙病雄潮之日至兮

挾塗沙而壅填非時抉而歲剔兮道奚出而不汙迹

民勞而費穰兮役頻興而婁胥顧漸疴以有瘳兮而

却藥之瞑眩茲譚固諧理叶務兮又焉睹夫物狀之

繁變盤盂之有稱兮道申卑而表淺 謂吳地與江平
其間田又有更

下於外沮洳已膏腴兮欲夷之而且戀 戀猶惜潮淀
為田者亦利

水者官民是亦一理撤梁而斬荻兮揆亦非潦疴之專驗

然猶害多益少如撤長橋刈茭葑至欲廢吳江縣恐上流非盡緣此

而阻若阻此獨病橋上田幾何許耳水既出橋雖少

緩芟不全阻循諸貌以發救兮又豈一端之已辦救
安得專尤之術獨統夫宣防之二歸兮在交施而各殉穰衆瘞以
叢軀兮繫曷弗周詳而異按長河滔滔而東駛兮歛
怒嘯而橫濫夏跡漠其非故兮洗亦不恒於一荐術
固率彼其二歸兮亦與徒不超乎三撰相時宜以各
庸兮厥亦斯其樞捷瘼征輸與允漕兮擬重陳而歎
倦征餽雖弊在隨時酌救此不詳既奠北都此不可易官斂民以藝賦兮傷哉
冗或踰禮踰禮謂名不正者憾牛毛於先王兮又安能一切
而屏置率土殫供正之願兮誰將不恭以沽戾憾綿
肌之殄瘠兮而剔剗以無已嗟五材之給世兮出與

沒宜相視彼濫耗而潛匱兮顧不與司存之計謂不

費戶部不得傷財既莫由斯兮責求之而獨委傷財不全

知之為行止版十稔而審易兮徃一霜而均制泗

繇養兵及土木法良而情隱兮職競人以舉替業春陵而秋谷兮能

錙察而銖諦切考心以仁公兮子殆少於偏蔽悃存

用於智數兮神鉤察於聰慧拱默化以望孚兮茂茲

途之攸貴齊民生生太校兮凡農商之歸二丁不足

準兮田亦多昧丁或少而雄多而弱昧言難的田多聲而鮮實兮商

態錯於內外田有瘠肥稅復徧重商多肆華貲薄或本假貸或閉戶而盈箱或豐貨外行類

惻賦與工之加患兮從或董之王爰征余駕而流觀

兮觀懷生之遑遑明王厚下安宅兮類四族以爲邦
舉冠領於士儒兮曳尾夙於末商雖搏搏其異等兮
貞萌萌之天良譏異世而殊道兮荐多門而分張繁
胥徒之蝟蒸兮裂兵農而別行悵庸主之失馭兮魚
不麗于王網昧邦本之逾寡兮縱冗雜而日昌閔四
窮之無告兮憶三游之陸梁焚汨蠹之旭旭兮鼠化
虎而羊狼伎乖絕於人道兮曾何有於天常余蒿目
而傍睨兮孰同淚之淋浪認同類之乳育兮寄食貨
以爲生古君王之子民兮廓一視而均情制生食與
裒散兮揮群柄而不頃自彼君之繆術兮務姑息而

倒衡算工車以爲利兮崇婦臺之懷清商交農而雙

厲兮末顛本於不平悲歷國之臨財兮每剥下以踰

羸賊哉安石之聚斂兮詭市術於王經謂周茂均田

以建本兮僥垢源於流激匹公姬於仲鞅兮企仁周

於暴羸併后民曰均利兮實胥戕以互齎獻既無克

於迷復兮盍鮮取於無名走中原爲治亂兮信珠玉

之不脛持大道以生財兮皓千古之聖程慊氓斯之

已憾兮日盡氣而涸精弗少拚以卮隸兮任嚙酋以

無生彼多逐於商末兮些移之以豢兵或徒食於糲

老兮武餽賚於來庭嗟何有於二教兮眦頑冠與穢

髡唯玉食而海富兮烏有尚夫並耕鉅創至濫以冥

輸兮時有在而靡懲所在見後槽予子之乞人兮曩有政

於周矜眇窶甲之微限兮如來者之日增壹是蓄之

為養兮俾溝壑之不盈簡夫夫少強力兮并關柝而

牽征資官殮以免乞兮婦給衣以妻軍取丐不廢者什伍之代挽

繹卒婦可與人處者補戎妻以購貲半治衣衾半給之詳子通洎流莩之還積兮勿

客視而它營至即團以為戶兮給廩飼以為恒移土

邑以財輸兮吾特為之鼎鎗移文流莩本貫令以財來廩綏潛運

以交拊兮一仁視而不病苟客者之過繁兮著吾塵

為土氓濟汨治而戕天兮所鉅取惟民螟攘哺嬰之

微餐兮饁饗夫之已騰禽郊牲之肥膖兮養群逸之

蒼鷹委精純於塗泥兮虹邦產於一粵沓伾伾之蝮

虺兮吾何舌以指稱此子通所謂汨蠹之民前言賦財二端故及所在即斯耳

皇威無崇而必警兮震乾剛之旬旬凜岳壓以霜殺

兮烈鈇鉞之馮陵慄神今之赫迅兮驚歛電而轟霆

蒼寇賊而姦宄兮追汨蠹之伯洵孰承天而法祖兮

屠群豕於一鋒瞋荏苒之日繁兮欲屏戢之焉從聖

訓止於不欲兮賢獄市以并容予其懲而猶異兮有

殊初而同終矜狗鼠之偏餒兮怒獍梟之刑凶先

苛於歛徭兮遂嚴致於搜窮悉宥過以刑故兮茲刑

罰之爲中坦大沛於潛竊兮劉姦殺之惡雄勿參差
乃絕判兮皎冰凜而曦融省潢池之披猖兮舉兩初
以爲萌懇原情以審勢兮慎蔽法而即戎戢反側於
招綏兮肩凶渠於大蒙報怙虐以洪威兮與指苗而
芘蝨湏慎察而痛劓兮裨皇穹之仁公王古者之保
邦兮作師旅於地水茹容民而畜衆兮田偕武而興
制垂列國以交更兮之秦鞅而大戾后厥時以逾遠
兮碎觀裂而爲一醜頽波以下注兮寧能返乎涓涔
謖譚計之諸諸兮僉傷養於大費亮先作之叵復兮
焚後述以多貳怛熙寧之保甲兮校拓跋而猶寔徵

因損益以張規兮亦善謀之亞誠采材官於漢矩兮

擊府兵於唐載躡長源之嘉尚兮擷稚圭之美議

李韓二公重時募而精教兮乃要切之至最竊虞夫謫戍

之永終兮奉甲令而文致法常陞於滋久兮即三五

而湏異異者改蠢匹夫之麗辟兮將不宥於十世遂至無窮

豐廩養之長糜兮且望深而感細况懷土而迫窶兮

繇竄迸以川潰遂益之用核追兮煩鈎攝而部遞紛

張官役徒以擾擾兮日馳驅於四海實惟益薄而損

厚兮宜亦矢謨而請裁萬幾數求言以罷行兮曾不

狂夫之爲臯非犯忌而亂成兮謂効忠而襄治既未

薦乎野謀兮敷公仁而從事軫鄉思而甲蠶兮懲抽
力而誅賄完家室以固志兮周粟帛以強體時番上
以休容兮辟賂免之姦怠拔私徑之長痿兮襄侵培
之積穢故雖小而必刑兮兵無伍而不次挽干漏於
逸梁兮剔百門之宿滯力訓閱於徃圖兮帶射蒐於
儒吏揆張皇之弘要兮知亡踰乎簡帥祖仁義以爲
質兮厥楨之以勇智律經籍之典訓兮研歷史之成
敗厲瞿瞿之廉節兮佗矯矯之直氣勤步伐於苗獮
兮豈臨機而尋藝推請論於司馬兮命畀簡於宸
衷論必斷於援賊兮斥浮聲與柔苒耆授鉞而推轂

兮勿參之以弟子軍容何爲徃監廁兮嗟乎李趙之

階厲將攜壹而僨克兮夫焉有於此係覈諏研於績

敗兮畛賞罰之昭晰彼屠降與殪良兮蕪粥級之作

僞偽多報級數教戎昭而不弛兮飛蕭斧於誅刈毋狗免

於援議兮必姦絕而良勸銷枉毀於貝錦兮破滔謗

於珠以熊虎毅其六師兮魚鶴輯其七萃務貌識而

音別兮啓閑練而衷義悛強足與密代兮直寄命於

童戲謂臨事募不精實苟用充數與私倩代行腰姦宄於中邦兮衛天險

於荒裔林建國而所民兮虔有整於職方藩周飭於

隍陣兮垂堅密於關梁崇函夏以立道兮隋百代之

大防訐 天王之集統兮越歷古以包囊樊封取之
峻截兮戒勤遠之否臧頻迴譯於異貢兮只收誠於
來王事見祖訓 冒包羞以餽女兮焉自殘而割疆無歲賂
之坐彫兮有互市之交償鑠 皇代之神武兮跨振
古而無雙曄 神祖之清漠兮恢 王威而四張燭
簡任於干城兮專權力而鷹揚弗牽肘於彼夫兮謹
賤得而姦妨為恤士之無實兮猶鋪饑而搯吭目衡
瞎以八燭兮迴浩劫而未央怒遐萌之繹繹兮附九
埏之芒芒徂日用而莫已兮串出入以隨陽寔附九
而治寡兮吧樂短而憂長念蚩蚩之錯產兮不越附九

以成邦愴美惡之必兼兮謀獨藉乎四良噴茲良之

自植兮隸素履以獨守每自彼以戕陵兮歸帝爨之

固有相斯辰之攸賴兮祗俊髦而峻叟眈既瘡夫不

井兮晞三法之或救三法即均田盡地平賦 尚稽實於征輸兮

還微息於頻歿恐二子之終夢兮虞和緩之懷手蔚

大氣之紆蟠兮壬胚靈而降秀顥蒼惠錫夫后王兮

君成之乎鬻校詳養射於夏殷兮具司徒於周教

帝首出以廣運兮幾新邦之綱要舍賢能而安藉兮

投碩材其安構渡長江以整旅兮倚干戈而詢道築

禮賢以館傑兮聘名哲而探討及鴻圖之懋建兮夙

教士以有造謬辟雍之湯湯兮溥侯類之浩浩範端
嚴以恢綴兮思周微而懇到曰成賢以爲期兮憲羅
才而畢考藹思皇之濟濟兮聳周楨之廣效其在今
之司存兮漸郵委而同眇眺儒堂而聞其兮凝沈沈
之半沼籍束閣以停披兮琴絕絃而歌操填胄省之
青衿兮日聚散而三造俾庠黌而率由兮亦胡辨於
土偶之淫廟獨糜財以備聲兮疇部牖之爲了漉法
意於餽羊兮名將實而杓鑿崇術四而尤餘兮
其邇小辯曾患乎先藝兮茲并藝而草草幸
先生兮士不乏於覆幬業每樹於高選兮

於未杪纍駮牝而如雲兮夫奚失得於櫪阜嗟嗟
之徒兮要賢聖以爲期放四科而八行兮舉六藝
而百家究學問以思辨兮劭仁行而寬居行成物以
博濟兮卷善道而遯肥通天地人以稱儒兮贊化育
於玄微國縣斯以求媾兮士執應而登之學由循以
成士兮教率章以爲師時與道有違行兮台詎隨以
推移咿蝟蝟以自細兮胡不輪冶而駟奚初既育乃
后舉兮儻科條於隋唐務拔萃於大公兮倍峻立其
周防索理性於經術兮故全畧於文章方政事之需
試兮策時宜以多方爲程寧弗良盡度兮逐有司而

淑涼來薄海之彥異兮危尺戩之莫當予歷觸於禹

穴兮胡鼓尤於鯨鱗余有貢舉議大旨若此迅賢豪之絕群兮

挺堂堂之贊皇麾時科而弗即兮喻龍媒之越行洵

要駕之不種兮聳萬夫之攸望鄙負羞於大人兮空

趾壯而心長進而遠而前卻兮澹胡為乎皇皇矚時

髦之升庸兮耀勳華而頡頏惊霜蹄之超驤兮後何

有於王良羅目千以得一兮先民所為感傷羅以多目得禽今為一目羅則安得士本古語王通亦備之

於尋常彙小大以兼收兮悉明側而明揚層百材

於傷師兮共京構於明堂掄椽楔以畢良兮粹一獨

於柱梁以周完而大壯兮廢備具而豈康害超坐

異懸兮擢萬羽之孤凰或科存而弗舉兮徒惋遺於

衆芳為國惜才何人斯兮謨罄畢於鴛鴦鱗甲乙於

一斑兮可百年之短長何斯據以卒躬兮信輕軒而

弛張上既馮以升沉兮下亦自為摧抗坐弊日以淪

胥兮叢倖望而縈妨望怨也尋世科之有無兮與第差

之低昂鑒才出之先後兮及卷舒之靜庸孰失得以

饒不足兮孰隆汗之存亡隆汗謂美劣存亡猶有無也爾其鋪觀

而平角兮成效不其已彰繚庶位之崇卑兮環中外

而周設尸脩政以立事兮並陳力而就列今視昔以

異宜兮沿與易而殊節 祖建典以官士兮掄時宜
而章別多率舊以監成兮掖無期之皇業劼兼山之
止位兮臣何知而嘖喋想拱職以綢繆兮熙庶績以
咸凝唐虞和于朝兮賡元首而股肱昔秦人之僑亢
兮儕百辟於倌倌後秦胥以沿洄兮且肅體而諧情
貌隆坐接兮呼莊君卿塗黃還命塗物綴詞頭兮席前目
征目送崇庠必詞兮揚抑告行 皇王建設兮簡要以
殷殷中謔守官而罔道兮愚深昧于茲評王用道以命
官兮官將道而為命蒙夫昧體而守支兮直置道以
狗名逾追勢以滋顛兮偈驅圻而拒撐交隔盤以無

通兮不相謀以相能臣殊僚而一政兮肢連體而析
形咸左趾以將東兮引右彖而西脛各稱官而罔道
兮烏不病殘以殞生宰萃士而一命兮粗因科而下
上既蒞政以稽績兮復何初以為量年疇力於良庸
兮才奚由於耆壯木不谷集而郊韡兮材將鳴寃於
族匠非 祖宗之盛心兮賊後時之膠狀假三五揀
斯方以舉錯兮當亦迷八四之直枉八凱四凶何莫峻登
其異傑兮年序以餞夫尋丈儼筆工以醫備兮濁銅
駟而穀養汗王章以蠹綠兮誨邪陵而貞障猥膏紈
之流蔭兮偉漢疏之直諒王吉請除任子法縱故襲之未革

兮又何弗涯於濟沆凡斯亦不局之貴兮非清波之

都喪非盡無清流也聲復侵夫無擇而無止兮益皇涂之決

灑聞方人之不暇兮識野求之無讓將循位以求理

兮匪稱人為標榜槩焉名襲而任別兮姑試徵二三

之改尚公孤寵貴以年登兮未或倚其燮亮用為九卿資深

寵寄鎔甄於中相兮獨調衆而拯病天曹天下之才

庾兮無遐遺而倖調懸鴻鑑以八照兮能簿號之故

妄基邦本難固而易蹙兮盱司徒之斯仗黨耗國之

職思兮拱三緘而不創懲創非睥睨於竭澤兮哀株守

以循罔祖議禮以作制兮網維誕其貞廣豈科條

之無俟兮虛百年而亡訪憚哉今之為政兮執邦刑

以不爽惜死法不死情兮殲十九之國命抗儒抑法

誰為異家兮腐生迷而弗講豈三尺難求於六籍兮

對刻木而恟怛世生才以為士兮才弼辟以親民顯

利用以成務兮幽履道以媿身靜庸兼維天之命兮

士也允三才之珍偏有才而善用兮聊銷慚於宦塵

守罷駑或不肖兮世何罹而尊親彼斗筭仕以為已

兮用以學而為人已富寵人求知民何杖以為長兮后何藉

而為臣噦余固艱夫欲議以畢偁兮亦譏此不尊而

弗諒急心亨而道塞兮且綿綿而斯往庖人不越乎

尊俎兮陶師握其范模作者熱其亡為兮藏山澤而
為癯余懷靡得於斯兮求茲人以為徒去城郭之垢
氛兮嫁巖谷之鬱紆漫阨靡以豁廓兮藉芊綿而周
遮岑峯嶽而譎鬼兮流澗涵以趨瀦儔競慶而騰伏
兮連庚乙而兀兀絢時榮以繪繡兮戛鶴狔之笙竽
闐無人乎崖竇兮鞫幽求而單居末寢食於皇區兮
安平康而樂分綴聲籍於士舉兮足瀕申而猶遜衷
君恩以無酬兮慚魯子之葵悶抽長沙之太息兮
夢宣室之宵問敷前聞於沈臆兮嘏婉約而莫盡功
必一於天人兮理不隔於顯隱通千期於一契兮右

皇靈於無泯頤明王之天造兮蒞日中之豐運塞王
猷以登咸兮不重堯而襲舜學無耻於不穀兮尚席
珍而玉韞若木不示乎世標兮神鳳無諧於塵韻天
錦莫覓其機杼兮媵三籟而微引先素王之昭誨兮
蓋二方以庸世謂初道而繼齊兮有政刑而德禮上
焉耻且格兮亞且免而無耻明良誕務其至兮丞率
次以眈眈并殄殢以諄指兮積人注而時否政刑洵
異夫今古兮緒言無庸以究齒德如毛而鮮舉兮禮
司存其議擬倣鴻濛之已渙兮佑作聖以君鄙大人
後天而奉時兮惇五典以為紀搯三百以為經兮延

三千而曲致摯元功於贊化兮全備體於唾涕措萬
品之手足兮秩其紛而壹貳衆高沈而疆燮兮參音森
岳砥而柴虎竇一決以橫趨兮倏滔天而沈潰非因
情以植則兮溘焉一而焉濟唏失德而信薄兮忍謝
慨於周史荒哉厖訐邊乎標枝之不還兮將非禮而
奚以禮陰作與生俱兮樂陽來而儷啓聲容達而生
神兮體音漸而死鬼肆犧媧迨姚姒兮極陰陽之文
理裁衣裳以吹匏竹兮熙殊造而均旨柯出稊以為
華兮毛傅皮而成美奏至治於雲池兮盡物性於宮
徵遜盛皇之厭世兮寓大柄於遞位雜狡童與昏夫

兮墮王彛於裘委姑何別於芻靈兮冠裾具而亡裏

維禮綱於五端兮吉無先乎郊類莽欺天而侮聖兮

軾輦申以傳會唐既蕪以竝配兮宋逾淫於赦賚設

有妄於祠衣兮位有汨於祧禔以上言前代郊廟之誤家庸行

而不知兮曾無違之能幾猥趙氏武靈與北代拓跋魏高齊宇

文周兮游變夏而由裔底蒙古之遺醜兮騷增尤於九

圍非穹皇之命聖兮疇撥亂以勇智 祖一匡以再

造兮駕百王而絕儷篤父子以孝慈兮協周文之敬

止董百官以為朝兮截冠舄於首趾肅大別於掖壺

兮斬收承之顛穢固前星之繼明兮郁青坊於繼體

羅九服以樹屏兮藩不億之其麗釐群神之淫號兮
叙百辟之規第推文質以四達兮布方策而漸被蓋
郊廟之大儀兮時乃定于睿志馮三重而建制兮曰
非君其不議儻時 命以下詢兮嚴丘澤而敬事象
雷豫以張樂兮薦祖考而配帝侂權輿以成德兮善
武周之斯僖選昌期而惰悒兮抑將順之能怠較民
用於茲辰兮纒一合而百戾胥濫越以敗矩兮淪逐
愆而鄰戲詠輕重之不權兮誑僭陋以交昧委筋力
於無情兮擿貨財於空棄儼衣冠以臨莊兮况大君
之斯侍端章甫如會同兮可非喪而去佩詎公庭之

為燕兮褻長裘而蒞視噫人服之不衷兮隼孽孽於
卉毳玩窮狄之盈觀兮惡衣妖之怪忌殺室舍以什
皿兮等衆歎於一敝余既未聘乎上國兮望玉懸而
不耳過閭陌而或聆兮闕緇黃而倡伎亂一雅以萬
鄭兮彙四戎而錯厠日作息以震驚兮駭律昌之焉
寄盍六合以恒瘖兮聒九陔而悉贖八門張而何風
兮四時行而何氣雅烏噪於晝日兮鸞鷲翥而不睨
頽穹輿之定位兮礮風雷之鼓吹庶草木以有條兮
雍蝨蟲之吟咲僑仲佐伯以尊王兮使其民而有義
臣何望於 今堯兮不觀興于茲禊 王乘龍以中

立兮治六有於鑪輔根人綱而植初兮落有家以俶
載簡姬姜之世貴兮愛任姒之徽嗣速關睢之窈窕
兮論鍾鼓而樂只貽銑鏗以前郤兮暢迭御于朏朏
親郊禘以降乙兮儀姜嫄而弗子擇周宗之妊傳兮
拜后夔而教肄密緝熙于光明兮斲刁牙之侵嬖扞
干邪而勿接兮賦萬幾而歷試太祖故事隆親親於九族
兮勅章條而登殺鏡前塵而邁拔兮羞田恒之怵類
黷實產以隸國兮歲坐觀其銍艾保堯睦於不竦兮
供虞接於無匱弼支蕃而土限兮司存寧能以無槩
維天王廟世以七兮寔殷周之弘制茫皇古之靡究

兮二代亦復宗異

上古未審夏五宗商六如姬周之宗然七世之文本商書

二室兮固不祧而非次

文武二世室不祧其後王時七世固在二室之外二室非

七別太祖以特立兮三昭穆以對蒞乃一祖而二宗

兮與四親而共備迨後王之復宗兮猶文武之不替

迺七世以爲恒兮確古今之通誼於 皇明之握符

兮秉天涯而地際睨旣廟於有七兮那千萬而莫計

皇 高文之巍巍兮擊百世之永繼丕承烈於歷葉

兮列諸宗而裸餒撫大典以徐謨兮意 冲襟之不

易纘昭穆以無紊兮乃傳世之常系或頡頏而高卑

兮儀馮從以位置匪今晨之攸聞兮法周知以爲貴

曩 聖祖之不訓兮定儒臣之請禘御史答祿與權請立禘祭

命儒臣議議者以始祖所出未明而寢 曠趙氏之禘祖兮亦時焚於僖

藝侯王儀之不襲兮曷由疑而永廢當肇統而慎始

兮固宜存而不遂始謂始祖所出 累重光以欽承兮將神靈

之有俟盍懋建于崇典兮併闕義而時起高帝時固宜存疑未

立今七廟已備宜立禘祫以義起 高帝時固宜存疑未

合兮從心究於外內整孝順而謹潔兮悃 皇彝之

極至洎儀章與物數兮比聲詩而容綴載采采於群

神兮莫不審於享祀開明堂以嚴父兮汗大號以施

治隆法宮之九成兮翼前朝而後市晝三接于康侯

且五徹於弼士請舉 更叔孫之蒞貌兮整

鉤陳之法衛幄明王之采章兮東鹵蹕於群代被黃

虞之法服兮禕日火於繡會貞輿旂而邊籩兮盡生

用之百器蒐古今以分宜兮區雅俗之殊裁革淫巧

之吮靡兮絕胡戎之陋悖后模臣以逮民兮宮刑廷

而御海王有三以寡過兮杲風草之相逮常經總乎

嘉吉兮與賓軍而喪祭周上下以用施兮惟日見之

為帛爛揖讓於交際兮或玄黃而牢醴纒目縷以條

支兮陳更僕其焉既雖殊王之更轍兮儒亦紛其輶

轄罕往辟之故秩兮窈三典之略在儀周戴辭有單

而已蔽兮道有一而知二迪在者以推施兮僅含氣
而亡愧徽列君之有作兮荷群正之勤惠諦繩矩於
銖權兮研節度於旒繫覓迷途於摘埴兮興證辨於
張蝟署根枝以交參兮部優劣而互採鑠開元暨君
卿兮亦司馬而元晦頰今昔而時措兮斯數家之為
懿按三經以疏繪兮又莫茂於先輩前後議禮作述者浩不可數互
有得失得之多宜於今者大帥開元禮杜氏通典及司馬光高闕朱熹數氏其為三禮注疏若圖譜如馬融三鄭韋昭王肅虞翻張融賈公彥孔穎達聶崇義陸佃等皆經師啓述之功尤大先輩謂此煥堯
文於 神祖兮大集成而班賜茁楨抵於恒性兮順
條柯於日履申邦教之森曠兮補未充之倭細鋪

邇以折裁兮要覲時以為揆剗昏狂之僭濫兮俯眇
忽之不暨匡以居正之名兮章以昭明之軌來九苞
以均儀兮諺相鼠之遄死遵王度于截防兮允蒲盧
之可企觀天文以察時兮賁順叙而貞明昊穹牽而
西股兮儀娥錯以東行訂俱右之臆談兮淵鑒破乎
迂冥太祖詔改朱熹日月俱左行之說檢班陳之分土兮何壤局而
霄弘班固陳卓星土之說嘗有貳于分星兮亦未究
其諦精夏曷不中天心兮三隅偏闊而空空經舍
輒以環轂兮二十有八而咸趨中謂狄雖曠而邊裔
兮分厠占於規零豈理果能御器兮器乃因理而不

通測遲留與伏逆兮校客流與無名綜天官於靈憲
兮罔休咎之分徵珠璧信其有期兮同上下而清平
氣多符而罕戾兮翼傲脩之有行天文祥異應不應者參錯不齊非可以類必膠師執用類索不視三端不應正宜爾乘除消息又本各不一如日月五緯合聚以算本有常期期屆是氣之元亨世當大治斯自然之符或世不應氣此他戾也故王者當恒傲心脩其行以矧氣否以變沴兮漠不省其遑寧愷歷代之應氣耳
愬臣兮選治曆以齊政遡都閎而下之兮孔難割於一定監往故而聿造兮大統於斯而為令彙群造以折衷兮改月行於守敬免久紐之必譌兮徵良師以時訂曩授時之可採兮祀四十而已病元用授時法上尋千載不

繆而下以推來纔四十年已差一度嚴緹室以候氣兮莊脩表以測景

于製律以治物兮鍾一正而萬應既禮達而政脩兮

馴刑清而世康愷人蕃而物條兮曼至和以充盈王

中正以居心兮氣驩通於蒼黃玉燭所熹乎泰宇兮

員嘉來而八風平禊仁浹而功振兮烏沒世而不忘

騰風詩以交宣兮鏗作樂以薦享本吹箎以造律兮

擢五要以為綱劉歆奏備數和聲審度嘉量權衡五

此易緒審黍以定管兮正九寸之黃鍾各三分以損益

兮於相生以旋宮均七始以為調兮八十四而成章

間者濶焉夔曠之無作兮術布策而炳明三禮國語呂覽漢隋

史渺杜荀之神解兮代已希而非亡京房杜夔荀勗阮咸萬寶常張

輩文收謹述者之悟謂兮議驤烟以言攘自漢以來張光嚴宣錢樂

之祖瑩梁武帝信都芳陳仲孺鄭譯蘇祗婆祖孝孫

王朴和峴竇儀阮逸胡瑗劉几房庶范鎮司馬公沈

括蔡元定等尤難偏舉如何安牛弘輩無可言至魏漢津蔡京等益繆爾遴執隨而成渝

兮非數詞之已彰肇和聲以製器兮倚度曲而綴行

摘窈眇於純和兮拔絃密於腐常衍歆神而賓德兮

戡哇鄭之猥厖唯金元之猾夏兮聲後國而猶荒沸

俗躁而胡疾兮且將裁而未遑躁令人輕輕則多犯疾急也急令人僑僑

則多哢斯音之么末兮爾猶昧其條章今北曲出元固非雅

嘯啼於晝梁謂今所謂戲文南曲本出南宋温州全無絲髮可成音律畧不足接耳目鏗

吾聲之有作兮融噍殺而鏗鏘頌皇烈於神明兮適

今時之豫昌假令今製樂大畧律宜大下於今俗部而微高於古律緣古者氣大和今氣大

戾更化之若從大戾驟返大和亦恐未遽得或漸延次徐變俟少久人與天地氣應乃更歸純古可爾

鴻碩以倡構兮逝効工於更張即二裔金元之俗譜兮

鑄昌詞以雄莊給比閭之小奏兮肇備部於下堂猗

帝德之夏殷兮般穆穆而鏗鏗誕光天之下兮至

海隅之蒼生吊幽明以效答兮郤六幕而同風遐休

嘉之弗呈兮抑玄文之或爽五耀潤於乾垣兮五財

理於坤軫河岳位而激靜兮四類效其靈命萬祗嚴

以衛釐兮魁魁伏而不肯民於變以時雍兮同虞方
而風動蓐王區之械櫟兮天命生於熙朝皇契道以
盡受兮非行違之異標器必蘊於徵庸兮志須兀於
沖遼愚幸賦此玄玄兮愕夫人之宅操潛茲未之或
悶兮令達又胡以宣驕已焉哉俗以勢而成世兮勢
以時而自然漏時勢以太順兮存茲道以為捷森三
端而翕張兮亘宇宙以推遷仰惠銜生於黔雷兮肯
棄受於崇園飛元靈於泰虛兮收萬實於甫田控大
一以貫之兮艘有無而齊詮撫群有以日用兮秉神
根之淵淵羨諸子之敏脩兮品交通而互全兆流

而皆海兮億管瞰而均天微無拂於風鳥兮碎或攝

於筵筭躡太乙於九宮兮丙離章於太玄機條條於

木獸兮數斤斤於銅丸灼莘降之非異兮易菽兵之

彋彋

上四事謂諸葛公木牛馬張平子地動儀神降莘郭景純事舉四以例餘

抱鴻通以

欵塞兮疾細滯而浮漫悉蟲沙而願遂兮當豺獍而

不難惟無欺與至慈兮所不負於高旻坦詔鬼而交

神兮直衣焜而踐川譴凡夫之妄顛兮北二子以睽

分謂殊儒而端異兮繆世教而為三昔柱下用表而

存中兮師友于我文宣竺尊儲性道之本兮其何事

於嚚譟千門萬室橫六內兮朝蜚波而夕煙印既尚

此皇符兮炬百幽而一焮戚城隍之湫仄兮救群蟲
之所廬解故蹤於黠垢兮翱洪翼於蒼墟櫟脩雲以
爲輶兮結浩氣以爲輿並三辰以循紀兮極八遐而
同區峻晞髮于若搏兮夕留輶乎融都葶收前以道
轅兮誥玄冥使迎余召飛廉以興飈兮暈屏翳而滌
塗氛侵伏而淑朗兮恣余襟之所如翫群生之起滅
兮觀兩儀之渙儲朋山河以結解兮賓曜宿而盈虛
嚙紫皇之默詔兮偕金女而同趨統父母於元氣兮
或天神而一衢問日月其何紀兮啗死生而為殊真
一性以長覺兮去六凡而不居大哉余遊

迴而奚

來兮醫焉往而不歸與

新刊

東洋圖書印

